

# **S'ellu si tace u cantu**

S'ellu si tace u cantu  
Si tace a sinfunia  
Ch'unisce à terra è mare  
In une strana pazzia

S'ellu si tace u cantu  
Si tace a miludia  
Chi franca à monti è piane  
Sradichendu a bucia

S'ellu si tace u cantu  
Si tace u batticore  
Ch'azzinga à l'omi ardenti  
Pichjendu à tutte l'ore

S'ellu si tace u cantu  
Si tace u machjaghjolu  
Ch'insegna à i putenti  
A nucenza è l'orgogliu

**Quale s'impignerà  
Per sfidà, cuntrastà  
A suffrenza, a miseria è l'affannu  
Quale si piserà  
Per svelà, palisà  
L'inghjustizia, a rapina è l'ingannu**

S'ellu si tace u cantu  
Si tace a sirinata  
Chi v'appacia u circondu  
E imbellisce a bramata

S'ellu si tace u cantu  
Si tace a disgraziata  
Chi dà forza a stu mondu  
Mughjendu a so straziata

**Quale s'impignerà  
Per sfidà, cuntrastà  
A suffrenza, a miseria è l'affannu  
Quale si piserà  
Per svelà, palisà  
L'inghjustizia, a rapina è l'ingannu**

S'ellu si tace u cantu  
Si tace u dettu lindu  
Si spizzica a ragione  
Cresce u regnu di u fintu

S'ellu si tace u cantu  
Si tace a chjama ardita  
Si ricusa a passione  
Si ricusa a vita

**Cantà per sunnià  
Per pinsà, inventà  
Un paese ch'un teme e so pene  
Cantà per insulcà  
Per alzà, affrancà  
Un paese giratu a l'avvene**

*Parolle: Andria Fazi  
Musica: Fredericu Poggi  
Cantu: Fredericu Poggi*